

《優婆塞戒經》卷第三

北涼·曇無讖譯

《優婆塞戒經》卷第三 〈攝取品第十三〉

善生言：「世尊！菩薩具足二莊嚴已，云何得畜徒眾弟子？」

「善男子！應以四攝而攝取之，令離諸惡，增諸善法，至心教詔²²²，猶如一子。不求恩報，不為名稱，不為利養，不求自樂。

善男子！菩薩若無如是等事畜弟子者，名弊惡人，假名菩薩，非義菩薩；名旃陀羅²²³，臭穢不淨，破壞佛法，是不為十方諸佛之所憐念。

善男子！菩薩若能隨時教戒，所言時者，貪、恚、癡時。起貪結時，當為種種說對治法令得除貪；餘二亦爾。次當教學十二部經，禪定、三昧²²⁴，分別深義，調其身心，令修六念、不放逸法，瞻養病苦不生厭心，能忍惡口誹謗罵辱，苦加身心亦當堪忍，設其有苦能為救解，除其弊惡疑網之心，善知利根、中根、鈍根，教鈍根人令生信心，中根之人能令純淑²²⁵，利根之人令得解脫。若能如是勤教詔者，名義菩薩，是名善人，分陀利華²²⁶，人中香象，調御丈夫，名大船師。善男子！寧受惡戒，一日中斷無量命根²²⁷，終不養畜弊惡弟子不能調伏。何以故？善男子！是惡律儀²²⁸殃齊自身，畜惡弟子不能教誨，乃令無量眾生作惡，能謗無量善妙之法，破和合僧²²⁹，令多眾生作五無間²³⁰，是故劇於惡律儀罪。

82 信：心淨為性；不存主觀私見。此有三種：一者信實，實有；信有世出世間真理。二者信德，有德；信有清淨功德者。三者信能，有能；自我能修習種種善法能力。

222 教詔：教誨；教訓。

223 旃陀羅：意譯暴厲、主殺人。印度社會階級四種姓制度中，居於最下級種族，專事獄卒、販賣、屠宰、漁獵等職。《摩奴法典》第十章第十二節所記，旃陀羅係指以首陀羅為父、婆羅門為母之混血種。《增一阿含經》卷十八：「或有一人，生卑賤家，或旃陀羅種，或噉人種，或工師種。」

224 三昧：又作三摩地，意譯為等持、定。將心定於一處（或一境）的一種禪定境界。

《成實論》卷十二：「今當論三昧。問曰：『三昧何等相？』答曰：『心住一處是三昧相。』」

225 純淑：單純美善。純：純粹、專精純一；淑：美好、善良。

226 分陀利華：白色蓮華。《慧琳音義》卷三：「奔荼利迦，古云芬陀利，正音本拏哩迦花，唐云白蓮花，其色如雪如銀，光奪人目，其香亦大，多出彼池（無熱），人間無有。」

227 命根：有情眾生的壽命。《俱舍論》卷五：「命根者何？頌曰：命根體即壽，能持煖及識。」

228 惡律儀：又作不律儀、惡戒。為自活或得利益，立誓行屠殺等業，所得之無表色。

229 破壞和合僧：為五逆罪之一。可分二種：

（一）破法輪僧：立邪法以破壞聽聞佛陀教法之和合僧。

（二）破羯磨僧：在同一結界內，別立羯磨，以破壞僧伽和合。

230 五無間：五無間業。殺母、殺父、殺阿羅漢、破和合僧、出佛身血等五逆罪。此罪業能招感無間地獄苦果。

善男子！菩薩二種：一者、在家。二者、出家。出家菩薩有二弟子：一者、出家。二者、在家。在家菩薩有一弟子，所謂在家。

出家菩薩教出家者十二部經，隨所犯罪，諭令懺悔。教習八智，何等為八？一者、法智。二者、義智。三者、時智。四者、知足智。五者、自智。六者、眾智。七者、根智。八者、分別智。善男子！菩薩摩訶薩若能如是教詔調伏出家弟子，是師弟子二人俱得無量利益，如是師徒能增三寶。何以故？如是弟子知八智已，能勤供養師長和上耆舊²³¹有德，能受善語，能勤讀誦，兼為法施，心不放逸，調伏眾生，能瞻病苦，給施貧乏。

善男子！出家菩薩若有在家子弟，亦當先教不放逸法。不放逸者，即是法行；供養父母、諸師和上、耆舊有德，施於安樂；至心受戒，不妄毀犯；受寄不抵；見恚能忍；惡口、惡語及無義語²³²，終不為之；憐愍眾生，於諸國王、長者、大臣，恆生恭敬怖畏之心；能自調伏妻子眷屬，分別怨親，不輕眾生；除去憍慢，不親惡友；節食、除貪、少欲、知足；鬥諍之處，身不往中，乃至戲笑不說惡語，是則名為不放逸法。

出家菩薩若畜在家弟子，先當教告不放逸法。受苦樂特，常當共俱。設在窮乏有所須者，六物²³³之外有不應惜。病時當為求覓所須，瞻病之時不應生厭。若自無物，應四出求；求不能得，貸的寶物，差已、依俗十倍償之，如波斯匿國之正法。若不能償，復當教言：『汝今多負三寶之物，不能得償，應當勤修得須陀洹果至阿羅漢果。若能至心發菩提心，若教千人於佛法中生清淨信，若壞一人慳重邪見。』出家菩薩能教在家如是等事，是師弟子二人俱得無量利益。

善男子！在家菩薩若畜在家弟子，亦當先教不放逸法。不放逸者，供養父母、師長、和上、耆舊、有德，復當供給兄弟、妻子、親友、眷屬、欲行之人及遠至者，所有僮僕作使之人，先給飲食，然後自用。又復教令信向三寶，苦樂共俱，終不偏獨，隨時賞賜，不令

飢寒，終不打罵鞭撻苦楚，應當軟言敦諭²³⁴教詔。設有病者，應當瞻療，隨所乏少，當為求索。世間之事，悉以教之，婚姻求對，不取卑下。教以如來五部經典²³⁵，見離壞者，能為和合，既和合已，令增善心。一切出家內外諸道，隨意供養，終不選擇。何以故？先以施攝，後當調故，以六和敬而教詔之。若求財物、商賈、農作、奉事王者，常當至心如法而作。既得財已，如法守護。樂為福德，見他作時心生歡喜，是則名為不放逸法。在家菩薩若能教誨如是事者，是師弟子二人俱得無量利益。

善男子！在家菩薩若得自在，為大國主，擁護民庶猶如一子。教離諸惡，修行善法。見作惡者，撻²³⁶打罵辱，終不斷命。財物六分，稅取其一。見瞋惡者，教修忍辱及不放逸。經言柔軟，又能分別善惡之人，見有罪者，忍而不問。隨有財物，常行慧施。任力讀誦五部經典，善能守護身命財物，能化眾生不令作惡。見貧窮者，生大憐愍，自於國土常修知足，惡人纔謗終不信受，不以非法求覓財物。如法護國，遠七種惡：

- 一者、不樂擣蒲²³⁷圍碁²³⁸六博²³⁹。二者、不樂射獵，
- 三者、不樂飲酒。四者、不樂欲心。五者、不樂惡口。
- 六者、不樂兩舌。七者、不樂非法取財。

常樂供養出家之人，能令國人常於王所生父母想，信因信果，見有勝己不生嫉妒，見己勝他不生驕慢，知恩報恩，小恩大報。能伏諸根，淨於三業。讚歎善人，呵責惡人，先意發言，言則柔軟。自無力勢，如法屬他，取他國時，不舉四兵²⁴⁰。眾生恐怖，能為救解，常以四攝而攝取之。善能分別種種法相，不受法者，軟言調之。

善男子！菩薩有二種：一者、在家。二者、出家。出家菩薩畜二弟子，是不為難；在家菩薩畜一弟子，是乃為難。何以故？在家之人多惡因緣所纏繞故。」

231 耆舊：又作長老。年高而有才德的人，或《毘尼母經》稱法臘過五十以上的僧人。

232 無義語：綺語。一切淫意不正之言詞。《大乘義章》卷七：「邪言不正，其猶綺色，從喻立稱，故名綺語。」

233 六物：全稱比丘六物。為僧尼不可或缺之生活資具，並為佛制所允許私蓄之物。即：僧伽梨(大衣)、鬱多羅僧(上衣)、安陀會(中衣)等一組，以及鉢、尼師壇(敷布坐臥之具)、飲水所用之漉水囊等六種。若略去後二者，一般稱為三衣一鉢。

234 敦諭：誠懇告知，令其明白。

235 五部經典：即五阿笈摩。指長阿含、中阿含、僧述多(相應)阿含、鶡掘多羅(增一)阿含、屈陀迦(雜類)阿含。

236 撻：(音 ㄊㄨˋ)鞭打。

237 擲蒲：(音 ㄓㄣˋ ㄇㄨˊ)或名五木，中國東漢至唐朝流行的賭博擲賽遊戲。博戲中，用於擲采的投子，最初是用檣木製成五枚一組，以擲骰決勝負，視擲出的骰色而定。

238 圍碁：碁為「棋」的異體字。指圍棋。

239 六博：古代博戲。共有十二棋子，六白六黑，投六箸行六棋。是中國戰國時期到晉朝間，所流行的一種擲採行棋，兩人或四人局戲，以多得籌為勝，行棋模擬貓頭鷹等鳥類在池塘獵魚的行為。

240 四兵：為印度古代戰場上之四種軍兵。《摩訶僧祇律》卷十八所舉：(一)象軍：每四人組成一隊，共護象足。(二)馬軍：每八人組成一隊，共護馬足。(三)車軍：每十六人組成一隊，共護軍車。(四)步軍：每三十二人組成一隊，執持兵杖。

〈受戒品第十四〉

善生言：「世尊！在家菩薩云何得受優婆塞戒？」

「善男子！在家菩薩若欲受持優婆塞戒，先當次第供養六方：東方、南方、西方、北方、下方、上方。言東方者，即是父母，若人有能供養父母衣服、飲食、臥具、湯藥、房舍、財寶，恭敬、禮拜、讚歎、尊重，是人則能供養東方。父母還以五事報之：一者、至心愛念。二者、終不欺誑。三者、捨財與之。四者、為娉²⁴¹上族。五者、教以世事。

言南方者，即是師長，若有人能供養師長衣服、飲食、臥具、湯藥，尊重、讚歎、恭敬禮拜，早起晚臥，受行善教，是人則能供養南方。是師復以五事報之：一者、速教不令失時。二者、盡教不令不盡。三者、勝己不生嫉妒。四者、將付嚴師善友。五者、臨終捨財與之。

言西方者，即是妻子，若有人能供給妻子衣服、飲食、臥具、湯藥、瓔珞、服飾、嚴身之具，是人則是供養西方。妻子復以十四事報之：

- 一者、所作盡心營之。二者、常作終不懈慢²⁴²。
- 三者、所作必令終竟。四者、疾作不令失時。
- 五者、常為瞻視賓客。六者、淨其房舍臥具。
- 七者、愛敬言則柔軟。八者、僮使軟言教詔。
- 九者、善能守護財物。十者、晨起夜寐。
- 十一者、能設淨食。十二者、能忍教誨。
- 十三者、能覆惡事。十四者、能瞻病苦。

言北方者，即善知識，若有人能供施善友，任力與之，恭敬軟言，禮拜讚歎，是人則能供養北方。是善知識復以四事而還報之：

- 一者、教修善法。二者、令離惡法。
- 三者、有恐怖時能為救解。四者、放逸之時能令除捨。

言下方者，即是奴婢，若有人能供給奴婢衣服、飲食、病瘦、醫藥，不打不罵，是人則能供給下方。奴婢復以十事報之：

一者、不作罪過。二者、不待教作。三者、作必令竟。

四者、疾作不令失時。五者、主雖貧窮終不捨離。

六者、早起。七者、守物。八者、少恩多報。

九者、至心敬念。十者、善覆惡事。

言上方者，即是沙門、婆羅門等，若有供養沙門、婆羅門衣服、飲食、房舍、臥具、病痛醫藥，怖時能救，饑世施食，聞惡能遮，禮拜恭敬，尊重讚歎，是人則能供養上方。是出家人以五事報：

一者、教令生信。二者、教生智慧。三者、教令行施。

四者、教令持戒。五者、教令多聞。

若有供養是六方者，是人則得增長財命，能得受持優婆塞戒。

善男子！若人欲受優婆塞戒，增長財命，先當諮啟所生父母。

父母若聽，次報妻子，奴婢僮僕；此輩若聽，次白國主。國主聽已，誰有出家發菩提心者，便往其所頭面作禮，軟言問訊，作如是言：『大德！我是丈夫，具男子身，欲受菩薩優婆塞戒，惟願大德憐愍故聽！』

241 娉：（音 ㄉㄨˋ）通「聘」，訂婚。

242 懈慢：態度懶散而傲慢。

是時比丘應作是言：『汝之父母、妻子、奴婢、國主、聽不？』
若言聽者，復應問言：『汝不負佛法僧物及他物耶？』若言不負，
復應問言：『汝今身中將無內外身心病耶？』若言無者，復應問言：
『汝不於比丘、比丘尼所作非法耶？』若言不作，復應問言：『汝
將不作五逆罪耶？』若言不作，復應問言：
『汝將不作盜法²⁴³人不？』若言不作，復應問言：
『汝非二根、無根人，壞八戒齋²⁴⁴，父母師病不棄去耶？將不殺發
菩提心人，盜現前僧物，兩舌惡口，於母、姐妹作非法耶？不於大
眾作妄語乎？』若言無者，復應語言：

『善男子！優婆塞戒極為甚難！何以故？是戒能為沙彌²⁴⁵十戒²⁴⁶、大比
丘戒及菩薩戒²⁴⁷、乃至阿耨多羅三藐三菩提而作根本。至心受持優婆塞
戒，則能獲得如是等戒無量利益。若有毀破如是戒者，則於無量無邊世
中，處三惡道受大苦惱。汝今欲得無量利益，能至心受不？』

若言能者，復應語言：『優婆塞戒極為甚難！若歸佛已，寧捨身命終不
依於自在天²⁴⁸等；若歸法已，寧捨身命終不依於外道典籍；若歸僧已，
寧捨身命終不依於外道邪眾。汝能如是至心歸依於三寶不？』

若言能者，復應語言：『善男子！優婆塞戒極為甚難！若人歸依於三寶
者，是人則為施諸眾生無怖畏已；若人能施無怖畏者，是人則得優婆塞戒
乃至阿耨多羅三藐三菩提，汝能如是施諸眾生無怖畏不？』

若言能者，復應語言：『人有五事現在不能增長財命：何等為五？一
者、樂殺。二者、樂盜。三者、邪淫。四者、妄語。五者、飲酒。
一切眾生因殺生故，現在獲得惡色、惡力、惡名、短命、財物耗減
；眷屬分離，賢聖呵責，人不信用，他人作罪橫羅其殃，是名現在
惡業之果。捨此身已，當隨地獄，多受苦惱飢渴長命，惡色、惡力
、惡名等事，是名後世惡業之果。若得人身，復受惡色、短命、貧

窮。是一惡人因緣力故，令外一切五穀²⁴⁹果蓏²⁵⁰悉皆減少，是人殃流，及一天下。若人樂偷，是人亦得惡色、惡力、惡名、短命、財物耗減；眷屬分離，他人失物於己生疑，雖親附人人不見信，常為賢聖之所呵責，是名現在惡業之果。捨此身已，隨於地獄，受得惡色、惡力、惡名、飢渴、苦惱、壽命長遠，是名後世惡業之果。

若得人身，貧於財物，雖得隨失，不為父母、兄弟、妻子之所愛念，身常受苦，心懷愁惱。是一惡人因緣力故，一切人民凡所食噉，不得色力，是人惡果殃流萬姓。善男子！若復有人，樂於妄語，是人現得惡口、惡色，所言雖實，人不信受，眾皆憎惡，不喜見之，是名現世惡業之報，捨此身已，入於地獄，受大苦楚，飢渴熱惱，是名後世惡業之報。

若得人身，口不具足，所說雖實，人不信受，見者不樂，雖說正法，人不樂聞。是一惡人因緣力故，外物一切資產減少。善男子！若復有人樂飲酒者，是人現世喜失財物，身心多病，常樂鬥諍，惡名遠聞，喪失智慧，心無慚愧，得惡色力，常為一切之所呵責，人不樂見，不能修善，是名飲酒現在惡報。捨此身已，處在地獄，受飢渴等無量苦惱，是名後世惡業之果。若得人身，心常狂亂，不能繫念思惟善法。是一惡人因緣力故，一切外物資產臭爛。

243 盜法：竊聽或偷閱比丘、比丘尼戒律，或潛入僧中盜聽戒律。

244 八戒齋：又作八關齋。佛陀為在家弟子所制定暫時出家之學處。受者須一日一夜離開家庭，赴僧團居住，以學習出家人生活。「八」指八種戒法，「關」即閉之意，「戒」為防非止惡的規範；八戒中前七支為戒，後一支不非時食為齋，即稱「八關齋戒」。(一)不殺生。(二)不偷盜。(三)不婬。(四)不妄語。(五)不飲酒。(六)不以華鬘裝飾自身，不歌舞觀聽。(七)不坐臥高廣華麗床座。(八)不非時食。受八關齋戒者，因一日一夜持不婬戒，故得稱為淨行優婆塞或淨行優婆夷。

245 沙彌：譯為勤策、息惡。佛教僧伽中，已受十戒，未受具足戒，年齡在七歲以上、未滿二十歲之出家男子。出家女子稱沙彌尼。以其勤於策勵成為比丘、比丘尼，又稱勤策男、勤策女。《摩訶僧祇律》卷二十九以年齡區別為三種：（一）驅烏：年在七歲至十三歲之間，已有驅走曬穀場上烏鳥能力。（二）應法：年在十四歲至十九歲之間，不久即可參與出家生活。（三）名字：年齡已超過二十歲，然尚未受具足戒。

246 十戒：沙彌、沙彌尼應受持之十戒。即：（一）不殺生。（二）不偷盜。（三）不淫欲。（四）不妄語。（五）不飲酒。（六）不香花嚴身。（七）不歌舞觀聽。（八）不坐臥高廣大床。（九）不非時食。（十）不蓄金銀財寶。

247 菩薩戒：梵網經菩薩戒：十重、四十八輕，瑜伽菩薩戒：四重、四十三輕。

248 自在天：音譯摩醯首羅。此天原為婆羅門教主神濕婆，謂一切萬物之主宰者，又司暴風雷電，凡人間所受之苦樂悲喜，悉與此天之苦樂悲喜相一致，其神格表現，除殺傷、暴惡等性格之外，此天亦具有救護、治療性格，以吉祥神面貌出現。

249 五穀：五種穀物。指大麥、小麥、稻穀、小豆、胡麻。

250 果蓏：蓏（音 カメヒ）。木實為果，草實為蓏。後用為瓜果的總稱。

善男子！若復有人，樂為邪淫，是人不能護自他身，一切眾生見皆生疑，所作之事，妄語在先，於一切時常受苦惱，心常散亂，不能修善，喜失財物，所有妻子心不戀慕，壽命短促，是名邪淫現在惡果。捨此身已，處在地獄，受惡色力，飢渴、長命，無量苦惱，是名後世惡業果報。若得人身，惡色、惡口，人不喜見，不能守護妻妾男女。是一惡人因緣力故，一切外物不得自在。

善男子！是五惡法，汝今真實能遠離不？

若言能者，復應語言：『善男子！受優婆塞戒，有四事法所不應作！何等為四？為貪因緣不應虛妄，為瞋恚、癡、恐怖因緣，不應虛妄；是四惡法汝能離不？』

若言能者，復應語言：『善男子！受優婆塞戒，有五處所所不應遊：屠兒、婬女、酒肆²⁵¹、國王、旃陀羅舍，如是五處，汝能離不？』

若言能者，復應語言：『善男子！受優婆塞戒，復有五事所不應作：一者、不賣生命。二者、不賣刀劍。三者、不賣毒藥。四者、不得酤酒。五者、不得壓油²⁵²。如是五事，汝能離不？』

若言能者，復應語言：『善男子！受優婆塞戒，復有三事所不應為：一者、不作羅網²⁵³。二者、不作藍染²⁵⁴。三者、不作釀皮²⁵⁵。如是三事，汝能離不？』

若言能者，復應語言：『善男子！受優婆塞戒，復有二事所不應為：一者、擲蒲圍碁六博。二者、種種歌舞技樂。如是二事，汝能離不？』

若言能者，復應語言：『善男子！受優婆塞戒，有四種人不應親近：一者、碁博。二者、飲酒。三者、欺誑。四者、喜酤酒。如是四人，汝能離不？』

若言能者，復應語言：『善男子！受優婆塞戒，有放逸所不應作。何等放逸？寒時、熱時、飢時、渴時、多食飽時，清旦、暮時、憊時，作時，初欲作時，失時、得時，怖時、喜時，賊難穀貴，病苦、

壯少、年衰老時，富時、貧時，為命求財時；如是時中不修善法，汝能離不？』

若言能者，復應語言：『善男子！受優婆塞戒，先學世事，既學通達，如法求財，若得財物，應作四分：一分應供養父母、己身、妻子、眷屬。二分應作如法販博，留餘一分藏積擬用；如是四事，汝能作不？』

若言能者，復應語言：『善男子！財物不應寄付四處：一者、老人。二者、遠處。三者、惡人。四者、大力。如是四處不應寄付，汝能離不？』

若言能者，復應語言：『善男子！受優婆塞戒，有四惡人常應離之：一者、樂說他過。二者、樂說邪見。三者、口軟心惡。四者、少作多說。是四惡人汝能離不？』

若言能者，應令是人滿六月日，親近承事出家智者，智者復應至心觀其身四威儀。若知是人能如教作，過六月已，和合眾僧滿二十人，作白羯磨²⁵⁶：

『大德僧聽！是某甲今於僧中乞受優婆塞戒，滿六月中淨四威儀，至心受持淨莊嚴地，是人丈夫，具男子身，若僧聽者，僧皆默然，不聽者，說！』。僧若聽者，智者復應作如是言：『善男子！諦聽諦聽！僧已和合聽汝受持優婆塞戒，是戒即是一切善法根本也，若有成就如是戒者，當得須陀洹果，乃至阿那含果，若破是戒，命終當墮三惡道中。善男子！優婆塞戒，不可思議，何以故？受是戒已，雖受五欲，而不能障須陀洹果至阿那含果，是故名為不可思議。汝能憐愍諸眾生故，受是戒不？』若言能受。爾時，智者次應為說三歸依法，第二、第三、亦如是說；受三歸已，名優婆塞。

爾時，智者復應語言：『善男子！諦聽諦聽！如來正覺說優婆塞戒，或有一分，或有半分，或有無分，或有多分，或有滿分。

若優婆塞受三歸已，不受五戒，名優婆塞。若受三歸，受持一戒，是名一分；受三歸已，受持二戒，是名少分；若受三歸，持二戒已，若破一戒，是名無分；若受三歸，受持三、四戒，是名多分；若受三歸，受持五戒，是名滿分。汝今欲作一分優婆塞？作滿分耶？』若隨意說，爾時，智者當隨意授。

既授戒已，復作是言：『優婆塞者有六重法。

善男子！優婆塞受持戒已，雖為天女乃至蟻子，悉不應殺。若受戒已，若口教殺，若身自殺，是人即失優婆塞戒，是人尚不能得煖法²⁵⁷，況須陀洹至阿那含？是名破戒優婆塞、臭優婆塞、旃陀羅優婆塞、垢優婆塞、結優婆塞，是名初重。

251 酒肆：賣酒或供人飲酒的地方。

252 壓油：印度時有以生蟲之物，榨取油脂，為傷生之事，故不應作。

253 羅網：捕鳥獸、魚類的網。

254 藍染：印度時有以生蟲之物，製藍色染料。或有一說用植物的樹皮當作染色劑，在染布的過程中，造成昆蟲生物的傷亡。

255 釀皮：將動物毛皮製作成物品。

256 白羯磨：又作單白，三種羯磨之一。即作授戒、懺悔等作法之宣告儀式中，對於最輕微之事、所常行之事，或是嚴制，僅須一度告白於眾，其事便得成立者。有說戒、行鉢、剃髮等三十九種。

257 煖法：四善根初位。對於見道四加行位之第一位，既經了知總別之念處，而自此專觀四諦十六行相之位。蓋此位將發見道之無漏智，先生相似之解，如火之將發，先有煖相。《俱舍論頌疏》卷二十三：「此法如煖，立煖法名；聖道如火，能燒惑薪，望火前相，故名為煖。」

優婆塞戒，雖為身命，不得偷盜乃至一錢²⁵⁸。若破是戒，是人即失優婆塞戒，是人尚不能得煖法，況須陀洹至阿那含？是名破戒優婆塞，臭、旃陀羅、垢、結優婆塞，是名二重。

優婆塞戒，雖為身命，不得虛說我得不淨觀至阿那含。若破是戒，是人即失優婆塞戒，是人尚不能得煖法，況須陀洹至阿那含？是名破戒優婆塞，臭、旃陀羅、垢、結優婆塞，是名三重。

優婆塞戒，雖為身命，不得邪淫。若破是戒，是人即失優婆塞戒，是人尚不能得煖法，況須陀洹至阿那含？是名破戒優婆塞，臭、旃陀羅、垢、結優婆塞，是名四重。

優婆塞戒，雖為身命，不得宣說比丘、比丘尼、優婆塞、優婆夷所有過罪。若破是戒，是人即失優婆塞戒，是人尚不能得煖法，況須陀洹至阿那含？是名破戒優婆塞，臭、旃陀羅，垢、結優婆塞，是名五重。

優婆塞戒，雖為身命，不得酤酒。若破是戒，是人即失優婆塞戒，是人尚不能得煖法，況須陀洹至阿那含？是名破戒優婆塞，臭、旃陀羅、垢、結優婆塞，是名六重。

善男子！若受如是優婆塞戒，能至心持不令毀犯，則能獲得如是戒果。善男子！優婆塞戒名為瓔珞，名為莊嚴，其香微妙，熏無邊界；遮不善法，為善法律，即是無上妙寶之藏，上族種姓，大寂靜處，是甘露味，生善法地。直發是心尚得如是無量利益，況復一心受持不毀！

258 一錢：佛陀制戒時，印度的幣值，印度的「一錢」，大約合唐朝幣值「十六錢」（印度五錢大約為現今一錢銀子）。換算新台幣值約 10 元。（銀子每錢 50 元）

善男子！如佛說言：若優婆塞受持戒已，不能供養父母、師長，是優婆塞得失意罪²⁵⁹，不起²⁶⁰墮落²⁶¹，不淨²⁶²有作²⁶³。

若優婆塞受持戒已，耽樂飲酒，是優婆塞得失意罪，不起墮落，不淨有作。若優婆塞受持戒已，汙惡不能瞻視病苦，是優婆塞得失意罪，不起墮落，不淨有作。若優婆塞受持戒已，見有乞者，不能多少隨宜分與，空遣還者，是優婆塞得失意罪，不起墮落，不淨有作。若優婆塞受持戒已，若見比丘、比丘尼、長老、先宿、諸優婆塞、優婆夷等，不起承迎、禮拜、問訊，是優婆塞得失意罪，不起墮落，不淨有作。若優婆塞受持戒已，若見比丘、比丘尼、優婆塞、優婆夷，毀所受戒，心生憍慢，言我勝彼，彼不如我，是優婆塞得失意罪，不起墮落，不淨有作。

若優婆塞受持戒已，月月之中，不能六日受持八戒，供養三寶，是優婆塞得失意罪，不起墮落，不淨有作。若優婆塞受持戒已，四十里²⁶⁴中有講法處，不能往聽，是優婆塞得失意罪，不起墮落，不淨有作。若優婆塞受持戒已，受招提僧²⁶⁵臥具床座，是優婆塞得失意罪，不起墮落，不淨有作。若優婆塞受持戒已，疑水有蟲，故便飲之，是優婆塞得失意罪，不起墮落，不淨有作。若優婆塞受持戒已，嶮難之處無伴獨行，是優婆塞得失意罪，不起墮落，不淨有作。若優婆塞受持戒已，獨宿尼寺，是優婆塞得失意罪，不起墮落，不淨有作。若優婆塞受持戒已，為於財命，打罵奴婢、僮僕、外人，是優婆塞得失意罪，不起墮落，不淨有作。

若優婆塞受持戒已，若以殘食²⁶⁶施於比丘、比丘尼、優婆塞、優婆夷，是優婆塞得失意罪，不起墮落，不淨有作。若優婆塞受持戒已，若畜貓狸，是優婆塞得失意罪，不起墮落，不淨有作。

若優婆塞受持戒已，畜養象、馬、牛、羊、駝、驢一切畜獸，不作淨，施未受戒者，是優婆塞得失意罪，不起墮落，不淨有作。

若優婆塞受持戒已，若不儲畜僧伽梨衣²⁶⁷、鉢盂²⁶⁸、錫杖²⁶⁹，

是優婆塞得失意罪，不起墮落，不淨有作。若優婆塞受持戒已，若為身命須田作者，不求淨水及陸稼處，是優婆塞得失意罪，不起墮落，不淨有作。若優婆塞受持戒已，為於身命，若作市易斗稱賣物，一說價已，不得前卻捨賤趣貴；斗稱量物任前平用，如其不平，應語令平，若不如是，是優婆塞得失意罪，不起墮落，不淨有作。

若優婆塞受持戒已，若於非處、非時行欲，是優婆塞得失意罪，不起墮落，不淨有作。

259 失意罪：又作輕垢罪。其罪雖輕，然污黷清淨之行。《梵網經菩薩戒本疏》卷四：「輕垢者，簡前重戒，是以名輕，簡異無犯，故亦名垢。又釋，黷污清淨行名垢，體非重過稱輕。」

260 不起：不能生起善法。

261 墮落：退步掉落。

262 不淨：戒行不清淨

263 有作：已經有造作生死業因。

264 四十里：此為印度的里程。近代學者，基於印度之一肘為半碼，或少於半碼，換算公里，約為七點三公里、八點五公里左右。

265 招提僧：招提，譯曰四方；譯為四方僧，即客僧。魏太武造伽藍，以招提名之，招提二字，遂為寺院之異名。

266 殘食：指吃剩的食物。

267 僧伽梨：為僧人三衣之中最大者，故又稱大衣。入王宮、聚落、乞食、說法時著之。

268 鉢盂：出家眾盛裝食物的器皿。鉢為梵語，盂為漢語。《勅修清規辨道具》：「梵云鉢多羅，此云應量器，今略云鉢，又呼云鉢盂，即華梵兼名。」

269 錫杖：比丘十八物之一。比丘行於道路時，應當攜帶之道具。原用於驅趕毒蛇、害蟲等，或乞食之時，振動錫杖，使人遠聞即知。

若優婆塞受持戒已，商估販賣，不輸官稅，盜棄去者，是優婆塞得失意罪，不起墮落，不淨有作。若優婆塞受持戒已，若犯國制，是優婆塞得失意罪，不起墮落，不淨有作。若優婆塞受持戒已，若得新穀，果蓏菜茹，不先奉獻供養三寶先自受者，是優婆塞得失意罪，不起墮落，不淨有作。若優婆塞受持戒已，僧若不聽說法讚歎，輒自作者，是優婆塞得失意罪，不起墮落，不淨有作。

若優婆塞受持戒已，道路若在諸比丘前、沙彌前行，是優婆塞得失意罪，不起墮落，不淨有作。若優婆塞受持戒已，僧中賦食²⁷⁰，若偏為師選擇美好過分與之，是優婆塞得失意罪，不起墮落，不淨有作。若優婆塞受持戒已，若養蠶者，是優婆塞得失意罪，不起墮落，不淨有作。若優婆塞受持戒已，行路之時，遇見病者，不住瞻視，為作方便付囑所在而捨去者，是優婆塞得失意罪，不起墮落，不淨有作。善男子！若優婆塞至心能受持如是戒，是人名為優婆塞中分陀利華，優婆塞中微妙上香，優婆塞中清淨蓮華，優婆塞中真實珍寶，優婆塞中丈夫之人！

善男子！如佛所說菩薩二種：一者、在家。二者、出家。出家菩薩名為比丘，在家菩薩名優婆塞。出家菩薩持出家戒，是不為難；在家菩薩持在家戒，是乃為難。何以故？在家之人多惡因緣所纏繞故。」

270 賦食：給與、授與飲食。

〈淨戒品第十五〉

善生言：「世尊！有人受持如是戒已，云何當令是戒淨耶？」

佛言：「善男子！有三法能淨是戒：

一者、信佛、法、僧。二者、深信因果²⁷¹。三者、解心。

復有四法：

一者、慈心。二者、悲心。三者、無貪²⁷²心。

四者、未有恩處先以恩加。

復有五法：

一者、先於怨所以善益之。二者、見怖懼者能為救護。

三者、求者未索先開心與。四者、凡所施處平等無二。

五者、普慈一切不依因緣²⁷³。

復有四法：

一者、終不自輕言：我不能得菩提果。

二者、趣菩提時其心堅固。

三者、精進勤修一切善法。

四者、造作大事心不疲悔。

復有四法：

一者、自學善法，學已教人。二者、自離惡法，教人令離。

三者、善能分別善惡之法。四者、於一切法不取不著。

復有四法：

一者、知有為法無我我所。二者、知一切業悉有果報。

三者、知有為法皆是無常。四者、知從苦生樂，從樂生苦。

復有三法：

一者、於諸眾生心無取著。

二者、施眾生樂其心平等。

三者、如說而行。

復有三法：

一者、能施眾生樂因。
二者、所作不求恩報。
三者、自知定當得成阿耨多羅三藐三菩提。

復有三法：

一者、為諸眾生受大苦惱²⁷⁴。
二者、次第受之。
三者、中間不息，雖受是苦心終不悔。

復有三法：

一者、未除愛²⁷⁵心，能捨所愛施與他人。
二者、未除瞋恚，有惡來加而能忍之。
三者、未除癡心，而能分別善惡之法。

復有三法：

一者、善知方便能教眾生遠離惡法。
二者、善知方便能教眾生令修善法。
三者、化眾生時心無疲悔。

復有三法：

一者、為令眾生離身苦²⁷⁶時，自於身命心不吝惜。
二者、為令眾生離心苦²⁷⁷時，自於身命心不吝惜。
三者、教化眾生修善法時，自於身命心不吝惜。

復有三法：

一者、自捨己事先營他事。
二者、營他事時不擇時節²⁷⁸。
三者、終不顧慮辛苦憂惱。

復有三法：

一者、心無妒嫉。
二者、見他受樂心生歡喜。
三者、善心相續間無斷絕。

復有三法：

一者、見他少善，心初不忠。

二者、毫末之惠，輒²⁷⁹思多報。

三者、於無量世受無量苦，其心堅固無退轉想。

復有三法：

一者、深知生死多諸過咎，猶故不捨一切作業。

二者、見諸眾生無歸依²⁸⁰者為作歸依。

三者、見惡眾生心生憐愍，不責其過。

復有三法：

一者、親近善友。 二者、聞法無厭。

三者、至心諮受²⁸¹善知識教。

復有九法：

遠離三法²⁸²； 三時²⁸³不悔； 平等慧施三種²⁸⁴眾生。

復有四法：

所謂慈、悲、喜、捨。

善男子！菩薩若以上法淨心，要在二時：

一、佛出世²⁸⁵時。 二、緣覺²⁸⁶出時。

271 因果：指原因與結果，又指因果律，用來說明世界一切關係基本理論。一切諸法形成，「因」為能生，「果」為所生；能引生結果者為因，由因而生者為果。

272 無貪：心無貪欲。又作不貪。「貪」之對稱。於諸境界無愛染，能對治貪煩惱，恆與一切善心相應。《唯識論》卷六：「云何無貪？於有有具無著為性，對治貪著作善為業。」

273 因緣：因與緣的並稱，「因」是產生結果的內在直接原因；「緣」是資助因的外

在間接條件。廣義而言，因即意謂因與緣，包含內因與外緣。一切萬有皆由因緣聚散而生滅，稱為因緣生、緣起；由因緣生滅之一切法，稱為因緣生滅法；由因與緣和合所產生之結果，稱為因緣和合。

274 苦惱：生死海之法，總為苦我惱我者，一無安穩自性。

275 愛：又作愛支。十二因緣之一。貪戀執著於一切事物。

276 身苦：由地水火風四大所構成的身體，有老病、飢渴、寒熱、死亡等痛苦。

277 心苦：指貪、瞋、癡三毒煩惱。

278 時節：時刻、時候。

279 輒：(音 出ㄜˊ)每、總是。

280 歸依：有救濟、救護之義，依三寶之功德威力，能加持、攝導歸依者，使能止息無邊之生死苦輪大怖畏，而得解脫一切之苦。《俱舍論》卷十四：「歸依以何為義？救濟為義，由彼為依，能永解脫一切苦故。」

281 諮受：請教、承受。

282 三法：殺盜淫三惡法。

283 三時：過去、現在、未來。

284 三種：地獄、畜生、餓鬼三惡道眾生。

285 佛出世：諸佛出現於世間成佛，以教化眾生。

286 緣覺：於佛世聽佛說十二因緣之理而悟道者，名為緣覺，若生於無佛之世，觀諸法生滅因緣而自行悟道者，名為獨覺。

善男子！眾生善法有三種生：

一、從聞生。 二、從思生。 三、從修生。

聞思二種在二時中，從修生者，不必爾也。

善男子！菩薩二種：

一者、在家。 二者、出家。

出家菩薩如是淨戒，是不為難；在家淨戒是乃為難。

何

以故？在家之人多惡因緣所纏繞故。」

〈息惡品第十六〉

善生言：「世尊！菩薩已受優婆塞戒，若有內外諸惡不淨因緣，云何得離？」

「善男子！菩薩若有內外諸惡不淨因緣，是人應當修念佛心。若有至心修念佛者，是人則得離內外惡不淨因緣，增長悲慧。」

「世尊！當云何修？」

「善男子！當觀如來有七勝事：

一者、身勝。二者、如法住勝。三者、智勝。四者、具足勝。五者、行處勝。六者、不可思議勝。七者、解脫勝。

云何身勝？如來身為三十二相、八十種好之所嚴飾，一一節力敵萬八千伊羅鉢那²⁸⁷香象之力，眾生樂見無有厭足，是名身勝

云何如法住勝？如來既自得利益已，復能憐愍救濟利益無量眾生，是名如法住勝。

云何智勝？如來所有四無礙智，非諸聲聞緣覺所及，是名智勝

云何具足勝？如來具足行、戒、見，是名具足勝。

云何行處勝？如來世尊修三三昧²⁸⁸、九次第²⁸⁹等，非諸聲聞、緣覺所及，是名行處勝。

云何不可思議勝？如來所有六種神通²⁹⁰，亦非聲聞緣覺所及；

如來十力、四無所畏、大悲、三念處，是名不可思議勝

云何解脫勝？如來具足二種解脫，除智慧障及煩惱障，

永斷一切煩惱習氣，智緣二事俱得自在，是名解脫勝

是故舍利弗於契經中讚歎如來具七勝法，

如來從觀不淨乃至得阿耨多羅三藐三菩提，

從莊嚴地至解脫地，勝於聲聞、辟支佛等，是故如來名無上尊。

如來世尊修空三昧，滅定三昧，四禪慈悲，觀十二因緣，皆悉為利諸眾生故。如來正覺，發言無二，故名如來。如往先佛從莊嚴地出，得阿耨多羅三藐三菩提，故名如來。

具足獲得微妙正法，名阿羅訶²⁹¹。能受一切人天供養，名阿羅訶。覺了二諦--世諦、真諦----名三藐三佛陀。修持淨戒，具足三明²⁹²，名明行足。更不復生諸有之中，故名善逝。知二世界--眾生世界、國土世界--名世間解。善知方便調伏眾生，名調御丈夫。

能令眾生不生怖畏，方便教化離苦受樂，是名天人師。

知一切法及一切行，故名為佛。能破四魔²⁹³，名婆伽婆²⁹⁴。

復觀如來行戒定慧，為益眾生。又於無量無數世中，怨親等利，無有差別。悉斷一切無量煩惱，一一皆知，一一眾生為一煩惱無量世中受大苦惱。如來世尊為眾生故，難施能施，難忍能忍。佛有二淨：一、莊嚴淨。二、果報淨。如是二淨因緣力故，從初十²⁹⁵至後十²⁹⁶，無有人天能說其過。如來具足八萬音聲，眾生聞之不生厭離，以是因緣，如來出勝一切聲聞、辟支佛等。

善男子！若人受持優婆塞戒欲淨戒者，當作如是修念佛心。若修念佛，是人則離內外諸惡不淨因緣，增長悲慧，貪、瞋、癡、斷，具足成就一切善法。

善男子！菩薩二種：一者、在家。二者、出家。出家菩薩修念佛心，是不為難；在家修集，是乃為難。何以故？在家之人多惡因緣所纏繞故。」

287 伊羅鉢那：伊羅為樹名，翻為香葉。為因陀羅（帝釋天）乘御之象王。

288 三三昧：三種的三昧（等持、定）。即（一）空三昧：觀察世間的一切法都是緣生，虛妄不實。（二）無相三昧：觀察世間的一切形相都是虛妄假有。（三）無願三昧：又名無作三昧，觀一切法幻有，而無所願求。

289 九次第定：次第無間所修之九種定。以不雜他心，依次自一定入於他定。初禪次第定、二禪次第定、三禪次第定、四禪次第定（以上是色界四禪天的根本定）、空處次第定、識處次第定、無所有處次第定、非想非非想處次第定（以上是無色界四處的根本定）、滅受想次第定。

290 六種神通：又作六通。指六種自由無礙力。即：（一）神足通：自由無礙，隨心所欲現身能力。（二）天眼通：能見六道眾生生死苦樂之相，及見世間一切種種形色，無有障礙。（三）天耳通：能聞六道眾生苦樂憂喜之語言，及世間種種之音聲。（四）他心通：能知六道眾生心中所思之事。（五）宿命通：能知自身及六道眾生，百千萬世宿命及所作之事。（六）漏盡通：斷盡一切三界見思惑，不受三界生死而得解脫。

291 阿羅訶：即阿羅漢。《大智度論》卷二：「阿羅訶，名應受供養，佛諸結使除盡，得一切智慧故，應受一切天地眾生供養。」

292 三明：達於無學位，於三事通達無礙智明。即：（一）宿智明：明白了知我及眾生一生乃至百千萬億生之相狀智慧。（二）天眼明：了知眾生死時生時、善色惡色，或由邪法因緣成就惡行，命終生惡趣之中；或由正法因緣成就善行，命終生善趣中等等生死相狀智慧。（三）漏盡明：了知如實證得四諦之理，解脫漏心，滅除一切煩惱等智慧。

293 四魔：奪取身命及慧命四種魔。（一）五蘊魔：色、受、想、行、識五蘊積聚而成生死苦果，此生死法能奪慧命。（二）煩惱魔：為身中之百八等煩惱，能惱亂眾生心神，奪取慧命，致不能成就菩提。（三）死魔：令眾生夭喪殞沒，使修行人無法續延慧命。（四）天魔：欲界第六天之魔王，能害人善事，憎嫉賢聖法，作種種擾亂事，令修行人不得成就出世善根。上述前三者為內魔，最後者為外魔。《大方等大集經》卷九：

「若能觀法如幻相者，是人則能破壞陰魔。若見諸法悉是空相，是人則能壞煩惱魔。若見諸法不生不滅，是人則能破壞死魔。若除憍慢則壞天魔。復次，善男子，若知

『苦』者能壞陰魔，若遠離『集』破煩惱魔，若證『滅』者則壞死魔，若修『道』者則壞天魔。」

294 婆伽婆：又作薄伽梵，譯為有德、眾祐、世尊，即具足眾德，為世人所尊重恭敬。

295 初十十：十善、十波羅蜜。十善：不殺生、不偷盜、不邪淫、不妄語、不惡口、不兩舌、不綺語、不貪欲、不瞋恚、不邪見。十波羅蜜：(一)施波羅蜜。(二)戒波羅蜜。(三)忍辱波羅蜜。(四)精進波羅蜜。(五)禪波羅蜜。(六)般若波羅蜜。(七)方便波羅蜜：以種種間接方法，啟發其智慧。(八)願波羅蜜：常持願心，並付諸實現。(九)力波羅蜜：培養實踐善行，判別真偽之能力。(十)智波羅蜜：能了知一切法之智慧。

296 後十十：十力、十號。十力：佛所具足十種智力：(一)處非處智力。(二)業異熟智力。(三)靜慮解脫等持等至智力。(四)根上下智力。(五)種種勝解智力。(六)種種界智力。(七)遍趣行智力。(八)宿住隨念智力。(九)死生智力。(十)漏盡智力。十號：(一)如來。(二)應供。(三)正遍知。(四)明行足。(五)善逝。(六)世間解。(七)無上士。(八)調御丈夫。(九)天人師。(十)佛、世尊。

〈供養三寶品第十七〉

善生言：「世尊！菩薩已受優婆塞戒，復當云何供養三寶？」

「善男子！世間福田凡有三種：

一、報恩田。二、功德田。三、貧窮田。

報恩田者：所謂父母、師長、和上。

功德田者：從得煖法乃至得阿耨多羅三藐三菩提。

貧窮田者：一切窮苦困厄之人。

如來世尊是二種福田：一、報恩田。二、功德田。

法亦如是，是二種田。

眾僧三種：一、報恩田。二、功德田。三、貧窮田。

以是因緣，菩薩已受優婆塞戒，應當至心勤供養三寶²⁹⁷。

善男子！如來即是一切法藏，是故智者應當至心勤心供養生身

²⁹⁸、滅身²⁹⁹、形像³⁰⁰、塔廟³⁰¹！若於空野無塔像處，常當繫念尊重讚

歎，若自力作，若勸人作；見人作時，心生歡喜；如其自有功德力者，要當廣教眾多之人而共作之。既供養已，於己身中莫生輕想，於三寶所亦應如是。凡所供養，不使人作，不為勝他，作時不悔，心不愁惱，合掌讚歎，恭敬尊重。若以一錢至無量寶，若以一綖³⁰²至無量綖，若以一華至無量華，若以一香至無量香，若以一偈讚至無量偈讚，若以一禮至無量禮，若繞一匝³⁰³至無量匝，若一時中乃至無量時，若自獨作，若共人作。

善男子！若能如是至心供養佛、法、僧者，若我現在及涅槃後，等無差別。見塔廟時，應以金、銀、銅、鐵、繩鎖、幡蓋、伎樂、香油、燈明而供養之。若見鳥獸踐蹋毀壞，要當塗治掃除令淨；

暴風水火之所壞處，亦當自治。自若無力，當勸人治。或以金、銀、銅、鐵、土、木。若有塵土，灑掃除拂，若有垢汙，以香水洗。若作寶塔及作寶像，作訖當以種種幡、蓋、香、華、奉上。若無真實，力不能辦，次以土木而造成之，成訖、亦當幡、蓋、香、華、種種伎樂而供養之。若是塔中草木不淨，鳥獸死屍及其糞穢、萎華臭爛、悉當除去，蛇、鼠孔穴，當塞治之。銅像、木像、石像、泥像、金、銀、琉璃、頗梨³⁰⁴等像，常當洗治，任力香塗。隨力造作種種瓔珞，乃至猶如轉輪聖王塔。精舍內、當以香塗。若白土泥作塔像已，當以琉璃³⁰⁵、頗梨、真珠、綾³⁰⁶絹³⁰⁷、綵³⁰⁸錦³⁰⁹、鈴磬、繩鎖而供養之。畫佛像時，綵中不雜膠乳雞子³¹⁰；應以種種華貫、散華、妙絛、明鏡、末香³¹¹、塗香³¹²、散香³¹³、燒香³¹⁴、種種伎樂，歌舞供養。

如晝、夜亦如是；如夜、晝亦如是。不如外道燒酥、大麥而供養之。終不以酥塗塔像身，亦不乳洗。不應造作半身佛像；若有形像身不具足，當密覆藏，勸人令治，治已具足，然後顯示。見像毀壞，應當至心供養恭敬，如完無別。如是供養要身自作，若自無力，當為他使，亦勸他人令佐助之。

若人能以四天下寶供養如來，有人直以種種功德尊重讚歎，至心恭敬，是二福德等無差別。所謂如來身心具足，身有微妙三十二相、八十種好、具足大力，心有十力、四無所畏、大悲、三念、五智³¹⁵三昧、三種法門³¹⁶、十一種空³¹⁷、觀十二緣智、無量禪定、具足七智³¹⁸、已能度到六波羅蜜岸。若人能以如是等法讚歎佛者，是人則名真供養佛。

云何名為供養於法？善男子！若能供養十二部經，名供養法。云何供養十二部經？若能至心信樂受持、讀誦、解說、如說而行，既自為己，復勸人行，是名供養十二部經。若能書寫十二部經，既書寫已，種種供養，如供養佛，唯除洗浴，若有供養受持、讀誦如是

經者，是則名為供養法也。供養法時，如供養佛。又復有法，謂菩薩一根，辟支佛人三根³¹⁹、三諦³²⁰，若信是者，名供養法。

若有供養發菩提心受持戒者出家之人，向須陀洹至阿羅漢果，名供養僧。若有人能如是供養佛、法、僧寶，當知是人終不遠離十方如來，常與諸佛行住坐臥。

善男子！若有人能如說多少供養如是三福田者，當知是人於無量世多受利益。

善男子！菩薩二種：一者、在家。二者、出家。出家菩薩供養三寶，是不為難；在家供養，是乃為難。何以故？在家之人多惡因緣所纏繞故。」

297 三寶：指住持三寶。流傳、維持佛教於後世之三寶，即佛像、經卷、出家比丘。

298 生身：託於父母所生而具足三十二相之佛身。

299 滅身：指佛遺骨焚化後而留存的舍利。

300 形像：印度古代認為，彫畫佛像為冒瀆神聖之事，故僅止於以法輪、菩提樹、佛足跡等標記象徵佛。其後佛像彫刻盛行，諸經典中，有甚多關於造像因緣及其功德記載。

301 塔廟：略稱「塔」。指埋藏舍利、經卷，或為標示特別靈地而造的建築物。

302 綖：(音 ㄇㄢˊ)與「線」字同義。

303 匝：(音 ㄇㄧˊ)量詞。計算環繞圈數的單位。

304 頗梨：即玻璃或水晶。

305 琉璃：意譯青色寶石，為貓眼石(具有貓眼效應的寶石)一種。

306 綾：(音 ㄌㄨˊ)比緞細薄，有花紋絲織品。

307 絹：(音 ㄐㄩ ㄌㄩ ㄇㄢˋ)質薄而堅韌生絲品。

308 綵：(音 ㄘㄞˇ)五彩絲織品。

309 錦：色彩鮮豔、花紋圖案的絲織品。

310 膠乳雞子：魚牛等膠、雞卵等，雖復腥膻、且圖久固。

311 末香：搗碎沈香、檀香等成為粉末。

312 塗香：以旃檀等香搗成粉末，和水調之，用塗其身，以消除臭氣或惱熱。

313 散香：散碎之香，不成丸粒狀之粉末香。

314 燒香：焚燒香料，以薰衣服與室內臭氣。

315 五智：五停心觀。(一)不淨觀：謂觀自他色身不淨以息貪欲。(二)慈悲觀：指對其他眾生作拔苦與樂想，對治瞋恚障。(三)緣起觀：觀想順逆十二緣起，對治愚癡煩惱。(四)界分別觀：觀十八界一切法不外是地、水、火、風、空、識等六界和合而成，以對治我執、我見。(五)數息觀：數出入息，以對治散亂之尋伺。

316 三種法門：指(一)止：奢摩他。(二)觀：毗鉢舍那。(三)止觀不二：止與觀，實一體而不二。(太虛大師著《優婆塞戒經》講錄)

317 十一種空：破種種邪見之法。即：內空、外空、內外空、有為空、無為空、無始空、性空、無所有空、第一義空、空空、大空等。空者，究竟無實體。

318 七智：指七覺支。趣向菩提的七種修行法。覺，意謂菩提智慧；以七種法能助菩提智慧開展，故稱覺支。即：(一)念覺支：心中明白，常念於禪定與智慧。(二)擇法覺支：依智慧能選擇真法，捨棄虛偽法。(三)精進覺支：精勵於正法不懈。(四)喜覺支：得正法而喜悅。(五)輕安覺支：又作猗覺支，指身心輕快安穩。(六)定覺支：入禪定心不散亂。(七)捨覺支：心無偏頗，不執著而保持平衡。

319 三根：辟支佛三種之別：(一)緣覺之緣覺，此與「因果俱」相同。(二)聲聞之緣覺，「因」指聲聞，「果」成緣覺。(三)菩薩之緣覺，「因」指菩薩，「果」成緣覺。

320 三諦：諦是真實不虛。此指真諦、俗諦、中諦，為三根所證之上中下三諦。(一)空諦：又作真諦。諸法本空，眾生不了，執為實而生妄見；以空觀對治，執情自忘，情忘即能離於諸相，了悟真空。(二)俗諦：又作假諦。諸法雖即本空，然因緣聚時則歷歷宛然，於空中立一切法。(三)中諦：又作第一義諦。以中觀觀之，諸法本來不離二邊、不即二邊、非真非俗、即真即俗，圓融無礙。又諸行無常，諸法無我，涅槃寂靜，亦為三諦。